

襄陵縣志卷之十二

風俗

襄陵晉魏舊地陶唐遺風勤儉力穡敦本思深士有儒雅之習民獲盈寧之慶明季之間兵燹蹂躪彫殘甚矣乙亥又罹坤變陵谷尤堪蒿目幸

皇仁沛敷於上賢守令撫循於下還淳返樸復蒸蒸向化焉然民情易漓習俗莫定砥維之責是在司民社者士習士尚廉耻學業有荒歉以後富者漸趨浮靡貧者多安庸愚故閑戶潛修與小忿相競者皆有其人

襄陵縣志

卷之十二

風俗

一

至隱糧包訟毀方躍冶當今

功令森嚴早已絕矣

陳公崑山左名元立書院課士襄陵甲科鼎盛李司馬高忠節皆出

其門馮公勸精書法士家習鍾王惲公東生工虎頭士亦往往效之夫文章載道之器也科第卿相之階也至書畫乃一長之技無閑重輕然上一倡而下爭趨所謂登高而呼衆皆應其勢然也况以正誼明道古聖賢之學相漸摩其為奮興當何如哉

民風敦朴力農急公尚義貧富不等然奢儉各適智愚殊趨下民嗜好從未易齊難以瑣志至婚喪葬祭畧書其概俟有心斯民者為之整齊焉

冠禮久廢

婚禮六禮具備古道攸隆今則問名納采請期親迎  
存其四而已

喪禮誦經超度扮劇愉尸相沿爲俗間有秉禮之士不  
作佛事不用俳優者然亦未盡合禮

祭禮營廟置主唯縉紳家間或有之其餘則每逢節序  
以供奉之